

余世安總志

郡司馬署縣事朴懷王裁正原知縣事陳夢舟監定

邑人 張奎其纂輯

雲夢儒學修學記

鄒觀先

自世趨功利有司筆筆問程書言教化者溺其職矣  
有能振敝維新嘉與諸譽髦導教教化意在斯乎作  
雲夢縣儒學修學記記曰雲夢古澤國也在禹貢圖  
經所載欽荆衡江漢為山川最至于漢修詞之臣循  
雲夢縣志

卷十一 藝文中

夸張聖儷于上林不亦瓚乎巨麗哉人材宜亦斌斌  
然今地隸分之諸道而名擅于茲邦所謂崇隆筆萃  
罷池隳陲析而與諸道其而材賢之生曾弗當大郡  
國十一至嘉隆以來家詩書戶禮樂起而騰英芬茂  
實質有其文庶幾哉蒸蒸盛矣顧其橫舍則湫隘弗  
飭知縣童如淹修之敝已知縣羅黃裳修之又敝頃  
山東齊公一經以諫官來守郡謁學宮已顧知縣危  
若以平歎曰夫考古者思焉循名者核焉茲非古雲  
夢哉而學宮弗治如廣厲學宮何即欲撤而新之

所得材已久之會一二奇民微蓋于神而行其臆  
動境以內外不自月者鑿可數百緡公乃下令夫孔  
氏之學類屋壞垣而新吳氏之宮非所以為教也所  
憑藉地去縣數舍而近令男女無晝夜奔趨之非所  
以為法也罷之便於是寘民於法徙神于山而以其  
積金并材若干決策與危君議新學宮矣議既成會  
齊公入計司理錢君士完再上議得俞可無何而告  
成事竣奔有肅孫業有所博士弟子員舉手加額曰  
是為我大夫約已程能勸相子來以奏乃事事大夫

雲夢縣志

卷十一 藝文中

一

率博士弟子員舉手加額曰是惟太守紘那端軌有  
鉅員教教然不回司理公實翼乃成乃齊公則又抱  
不自有頌而稱曰是惟爾卿之人文邱隆若與時會  
聲實茂起而山川相之新鄒子曰善哉乎其造士仁  
也其不有其功讓也夫有司之新爾士至矣士之自  
修其學則何以教聖人之道仰之彌高才辯如子貢  
猶云不得其門而入今青衿子未離經畝擁并髦而  
升其堂卽博士家言規經摹史稱能文章伍不異一  
砥行德稱好修之士什不得一卽如所稱說猶

平其望于多士矧曰寥寥夫耳目不新則精神一奮有司之新學宮亦所以鼓而奮之也且夫魂傑之士卽屬在閭物前無與啟後無所冀猶自耀于光明矧此知風稱名勝儲真孕秀積久而發豈其必必泯泯無以稱有司新民之指哉異日者子多士鼓篋而來則廟額庠序垣墉翹翹耳不須臾而遂與更始堂皇屹如也丹雘煥如也則修之效可睹也夫士之自修其學亦猶是矣不佞乃又言曰夫記所以記成事也著者不佞由此學以進於道靡聞叨任于朝靡雲夢縣志

卷十

藝文中

三

及寸之效卽臆而記之其若窾言何夫諸君子則亦惟學是懋矣乃太守齊公郡理錢公邑令危公其所以作人飭治將必有頌文翁之爲烈者記不具述云齊公濰人錢公歸安人危君蒙化人教諭楊心訓導張世卿鑄之石

東閣記

御觀光

楚山川雲夢最以名聞今雖治擅其聲稱而疆域可百里許旆故華路藍縷之楚而已而所謂嶽峯蔽虧上干青雲不可復睹狀鄒子曰入以山川顯山川

行人而顯賢豪之生利若實重承之是人以山川  
也山悶其奇川截其秀一經賞識千古操以爲勝是  
山川待人而藏也山川無盡而人易朽無盡者託于  
易朽者以傳茲賢豪之士所爲扼腕而興思歎城東  
故有閣其地據邑之勝憑而眺可以閱草木烟霞之  
變極今古廢興之感不佞間嘗偕二三子振衣其間  
慨然而歎茲信美又吾土矣會官于朝以去且數年  
于茲邑大夫危公適拓而新之六亭臺館榭即未必  
令江山顯然使懷古探幽得有所以紆其寥濶之思  
雲夢縣志

卷二

藝文

四

而寄其感慨之懷安知江山之顯不自此始乎大夫  
政通人和百廢具舉茲足窺其端不佞無能爲茲  
地重援筆而識之以俟來者

雲夢縣廣儒學田記

程德良

儒學田以養士也廣儒學田以養多士不欲爲斗水  
之活鮒也今之世財用絀矣農室之秋什不得伍邊  
關之餉十不得三教罄然無不待養也若况爾多士  
制復其身既不得習于三民之業而一不有年家徒  
壁立且胥爲溝中瘠焉司世道者奈何祇以恒心之

說馭之也揚公來守吾郡孜孜于教養先焉而雲夢  
有爭梅思清田不決者公曰此故絕產也督者田縮  
而賦盈則計避於仕者之家今也田丈而賦均則先  
以通租嘗之而繼以直薄爲之詞旨卒歸之此狡民  
之雄法無歸田里將仍田於仕者之家則孰然者孤  
執不能終狡徒訟久之將并其薄直費焉而孤且辭  
于公曰昔先君子建尚行書院意將以此田爲從學  
者養會齋志白門不果公曰田養書院士猶私之也  
蓋公爲儒學田而田之直若干余且捐俸爲償乎議

雲夢縣志

卷上

藏文中

一

五

成報於總憲董公學憲王公巡憲冀公咸是其議且  
勒石以示久遠而下於邑大夫崔公慰所事乃屬程  
生爲之記焉記曰今學田介在諸葛村之東南凡二  
區其一附於河半爲田半爲地俱稱上腴其一附于  
山俱爲田稍瘠總丈爲田二百五畝有奇爲地二十  
八畝有奇爲賦一十九斗有奇爲歲租八兩有奇成  
賦外始以養士云先是雲夢士無田山東馬中丞之  
守德安也天井湖爭淤田不決而公乃償其直沒爲  
學田歲董租銀六兩有奇又橫坦湖一兩有奇養

未廣也。今田擴而廣之矣。昔太函氏記寶應學田，  
田設而諸貧士食，授粒禁授禽，常大事者必  
授其資，履畷有籍，徵租有程，歲出有經，歲入有會，而  
期以士享實惠爲久遠計。因憶不穀理河南時，今魏  
中丞以其田九百畷輸爲學田，而不穀償其直，後理  
撫州時，陳參知亦以其田三百畷輸爲學田，而不穀  
亦償其直，請於當事，皆亦法太函長計久遠。夫士不  
患無田而患不廣，不患無廣田而患惠養不實，後之  
君子游諸公之良法，佩太函氏之遠慮，斯于養士也。

雲夢縣志

卷士 藝文中

六

實矣。然此爲養士計也，非士所自爲養也。語不云乎，  
耕亮田者憂水，耕湯田者憂旱，惟耕心田者庶幾大  
有年夫。此心董方寸而居，食仲弓彥方之餘，出則格  
天定鼎，將萬禩不可磨滅，視便利所獲孰多。爾多士  
自今得養矣，其慎所自養，無爲諸名公負哉。總憲董  
公諱漢儒，直隸開州人。學憲王公諱在晉，直隸太倉  
籍。濬縣人。巡憲冀公諱光祚，直隸邯鄲人。郡楊公諱  
楷，蜀屏山人。崔大夫諱允中，山東臨清人。署教諭事。  
麻城王育德，訓導光化。賈朝皆從事斯舉者，并勸諸

鼎創碑若是開費不盈三十金余可捐而成也  
唯唯以所捐召工匠庀石材起于歲之五月成于歲  
之十有一月九戴星沐雨督賑而不使少有勩倦者  
皆身親之也開成以屬程生記其事記曰此開成有  
三善焉寧為可繼也中丞公撫楚鉅則品吏士終宗  
藩銷穽人盜寇出沒而總為半枯半浸之人理詒統  
席何十百者而此一開亦不遺彈丸地他可概矣夫  
任事無鉅細者上臣之遠謀也今天下孰不縮一路  
而事可期始築舍難成者每以憚費中止若朱公捐  
雲夢縣志

卷十

藝文中

八

俸成開能有幾乎夫任事無恠嗇者廉能之求圖也  
乃卯酉簿號櫛沐期會以此積資待轉概入海什之  
九焉而必以身親經始身親落成卽百里外洋洋其  
無之區皆以早夜從事夫任事無勞勤者材官之本  
致也今諸莫氏家戶祝而戶顙天矣抑亦不誼此第  
乎昔公孫叔敖之芍陂西門豹之漳渠為地方計永  
久鄰類此史臣業訖之以垂萬禩愧牛馬走不律不  
足傳後有倚相者起當必紀之郡國乘云梁公諱見  
孟別號醇字直隸保定人朱公諱之臣別號菊水

在入梅公諱先春別號用字獨雅州人例列

石堰橋成并成報功祠碑記

程德良

雲夢之東平野可十里許有石堰橋者地窪下歲歲  
大洪漲則潏決瀾澗若重湖焉而介在冠蓋車騎之  
衝軌不能不為堤且南風競噴其左迎而為北交噬  
其右無幾則堤盡為烏有哉不能不為繕修時當盛  
夏勢不能不奪壑畚之夫以事繁錘而貨子饋食自  
於菟暨于石年盡逐鏹金從事且不肯巡徼者與諸  
古崖者復以折楊為箕歟恒見偏于公私之校舉棠

雲夢縣志

卷五

藝文

九

渡往往物風波中以為常而咫尺之地稱邑鉅患  
殆無歲不黑質之蛇白額之虎矣梅公治雲謂今長  
吏不忠地方而患不任事吏于事不忠賈勇而息不  
身親經紀恒見以哇吟爭者以睚眦爭者以梁上君  
子爭者不避風雨即命騎住勘而熱情者竟不得終  
其訟已復平里甲釐科派聚商旅皆身提兩造而調  
劑之邑南有莫家河石關蒲東有楊家蕪田又皆身  
與計修邑雖彈丸黑子乎而半苦澁半苦枯惟築堤  
上務又身備河干巡行課工幾獲楛沐而歸



堤比于錯繡明年語諸士民曰石堰之患所從來  
矣地名石堰實無片石吾將因其名而覈以石從中  
爲橋俾水風不相射以垂永久或謂大夫治任事石  
堰去河數里外雲夢求石又去數里外以是成他橋  
易成石堰橋不易公曰精衛填河于物且然北山之  
夫顧自力何如耳於是捐緡若干都人士助緡若干  
求石于郡之富水港不足已求石於應城之黃港口  
不足已求石於京山之白廟諸地而舉工於乙卯冬  
中月迄丙辰春中月工成皆不避風雨身親監督而  
雲夢縣志

卷上

菽文中

十

將作有餽夫役有餉不時有豚酒以勞以是庶民子  
來無土不聲且手額籲夫謂宿患石堰者今始亨衢  
矣諸生爲萬文聘萬一謬程鵬里羅英輩暨諸耆老  
王重厚涂遇輩進課程子功在生民者禮有祠乎程  
子曰畏壘之祀在昔則然未有爲境內暨百世之功  
而忍使恣恣無聞者也又謂是興梁祇王政之一果  
有功乎程子曰楚有之孫叔敖賢相也一巧陂水今  
猶天地與立矧百年宿患數月爲祛而車騎無濡軌  
之患徒步無漲涉之憂與古乘四載之勞者比一

國為民耳公為雲三年如一日百務如一橋而渡  
枯骨則有義塚軫念地嬴則有惠局功所足述者  
蓋莫大歟於是士民為之唯唯退而為碑為祠屬程  
守書其岷畧為記時萬曆丙辰春三月丙子也

雲夢縣濬濠碑

楊紹中

國家昨土郡縣視古侯國堅以雉堞深以隍池為社  
稷生靈計洵重且周矣雲夢自置縣來惟土垣至萬  
曆初知縣陸公勳始奉上臺檄焚以甃周五百七十  
丈有零而濠周其外承平日以城堅者或瑕而濠則

雲夢縣志

卷十一

藝文中

十一

濠或巨室併為園圃或編戶藉作廬居徃當事者  
皆相沿而憚于搜括今我邑宰彰明蔡侯甫下車  
廢具舉文教丕興武備亦整頃聞秦晉萑苻嘯聚  
關禁劔漸有南下之勢江漢間聞風震恐侯卽屬  
士鄉紳諸生里老而謀曰易云王公設險以守其  
又曰重門擊柝以待暴客平居猶嚴先事之防况  
完警能無申固封守以保障生靈乎孟子為滕文侯  
鑿池築城此其時矣顧濠舊址盡湮搜括而濬之其  
北戶之園圃廬舍何咸應之曰城池事大烏可姑

小務而妨大計于是居民聞之咸踴躍廣圖  
以符役侯勅聖甲編夫墾工四方子來旌卷雲集不  
浹月而濠成深一丈餘廣倍之其長繞城一周而東  
南隅迫河則留數丈垣以止水濠地東南下西北高  
水易瀉又量其形勢而多其垣以障之于是四時水  
盈盈環城如島矣爰屬楊生記之曰休哉是役也易  
于謀始而亦易于觀成也上而朝廷之府藏鞏于斯  
下而市里之生靈育于斯匪但術術之近卽遠而  
野入保者亦聚于斯斯固設險之至計體國之大端  
雲夢縣志

卷士

藝文中

士

也雖然侯豈徒恃此以爲固哉吾人恃陋不設備而  
民潰侯固鑒之矣梁伯溝公宮而民亦潰侯又鑒之  
矣侯平日輕徭緩賦訟獄平反軫念孤寒噢咻之卯  
翼之其爲尹鐸保障者久矣自是而無警也可資以  
灌溉民享其利自是而有警也亦可爲趙氏之晉陽  
而民享其安何一非斯民之福庇也乎謹誌于石以  
垂不朽 侯姓蔡名宗虞字心玄彰明人 學司訓  
王大新 典史陳孔謨 署捕巡簡莊應夢督濠

危公去思碑

鄒正宇

上飭吏治綜核名實治行卓絕者徵書擢異等則亦  
唯是元元之故期與寓內得循良之吏而務撫循以  
養是和平之福天下見

上之整飭精核遂爭自振拔競尚明察一時吏治蓋  
擬于神爵五鳳之間哉顧甚者涉于操切循循若類  
川渤海者流則指固不多屈也公捧檄莅雲夢春融  
慎密恬淡淵宏才諳機鋒斂而不露一切嗜味泊如  
也古所稱溫而栗寬而有制則公之謂矣先是令茲

雲夢縣志

卷七

藝文

七

土者黠禁以為斷詞察以為智受記胥史游檄隸役  
不啻鷹鷂然公威然動容若痼疾乃身曰無寧使人  
謂我子實生我而浚我以生乎若猶是凌轢駭世以  
微倖不可知之名譽其何異之有左右游檄揚藉為  
利階率城狐社鼠不一太懲創之謂雲民何唯是務  
寬和為名推誠心置黔黎之腹中不億不逆民亦以  
是戴公之真誠而不忍欺舞文胥史游檄隸卒逆之  
惡戾不與同雲土民以是欣欣若免于水火微編之  
殺肇自戊巳間主者陰厚其所私則命掌之其奇

主者什七所私乾沒者什三常額之外不下半  
鬻田宅妻帑以償稱貸者疲于催科則名爲均役實  
苛政也公乃命六鄉里役各推可任者一人公庭徵  
納有加毫釐者卽論苛徵其不經之費請爲裁省視  
昔額減其什一民咸便之獄故多寃號大辟公廉其  
狀狀關白上大夫所平反者十數人他無辜沉滯其  
中者輒則自爲裁決重則一一請釋之囹圄一空境  
壤西北苦丘壠無陂池東南多旱涸輒有汙萊之患  
其賦則一等于中土公曰柰何俾旱澇之區與膏腴  
雲夢縣志

卷十

藝文中

十四

本片瓦不勞于民而醫序赫然稱巨德焉月且  
生其中翰林校藝寒暑不輟親為品騰以作其志聞  
有菽水不支者十數人公量為處給以資之士得售  
者率多其所作人云署即不以眷屬從惟兩蒼頭守  
圖書初迎養若翁暨母遠莫致之則朝夕常有戚顏  
然得一言任清淨精敏于職業諸上大人有不決之獄  
輒移文公矣公斷獄聽其盡言徐徐出片語折之咸  
服引父老問所疾苦終日不勅有所論報罔不得可  
蓋郡伯公宏望冰鑑推誠任人能信公之清操偉器  
雲夢縣志

卷士

甄文中

五

而一時上大夫同聲賢公故公得一意履采無掣肘  
之患蓋三年於茲矣屬當報績大家宰郡伯公擬為  
治行第一無何訃聞民皆號泣如失慈母去之日行  
李蕭然圖書數卷公所為深憂有覺則以是父母之  
喪萬里劇費囊篋索莫則百姓憂公公故怡如也父  
老板雷率不可得已而尸祝公屬余為記念惟大寒  
之後繼以陽春是公大有造于雲土也以憂去而百  
姓果聞繼以尸祝此豈有徵書擢去足為覬觎而姑

是資錄乎村無雜徵之役者無索錢之吏豪者

而貧困避士風日以振四境晏然其所保父  
者至寧一也故余應父老之請而爲記之如此間  
歌謠藉藉口碑不具述公漁之蒙化人危以平號  
菴中庚午鄉試記之者邑敬一生鄉正字也鳩專  
役例書于碑陰

贈危大夫序

鄒觀光

逵余讀史傳所記一二良吏其民尸而祝之比于仁  
父慈母則以爲文人史史文勝卽素撫循百姓疑不  
至若所津津談者余論次危大夫而自信其非諛無  
要夢縣志

卷十一 藝文中

其

論異日者史氏傳無腴辭世不無善書者暇能圖  
之可也初大夫爲吾雲三年而以憂歸貧不能躬行  
孝悌俸久僅能具單車挾二蒼頭還而吾儒冠帶之  
倫老穉之屬肩相摩于道路大夫車爲不得發下車  
識曰余不佞聞焉在疚以勤諸父老子弟余佞何德  
之與有二三子歸矣言已泣下諸父老子弟相嚮哭  
已別猶聚族而望猶不已伐石頌功德猶不已肖像  
而祀是時余方在都門聞諸余第云然已余得歸  
則大夫去雲久而民愈思大夫日引頌而所

必不以終始改玉不佞又言曰余往者嘗與聞吏  
矣悃悃之吏或易為緣飭者掩名高矣忌者或從而  
倚據之而為善者滋不自堅大夫交曠而獎靡匪美  
辭則可謂遭時矣藉令萬有一於此則如之何大夫  
曰平不敏其必不以毀譽二心不佞乃改容進曰余  
無以益公矣公業以得其大矣抑管子有云曙戒無  
怠方今天災流行四方被之雲夢雖邀公之庇飢饉  
流離不至如中外所報聞然米價騰踊枵腹之民并  
日半菽宜及是講求區畫為民垂百世之利不但取

雲夢縣志

卷十 藝文中

六

辦一時而止而以其間振節義紬浮薄興起古文禮  
樂之事以默易其風俗使之回心向道而不自知此  
皆公所饒為即異日者公入為給事中御史所省重  
鉅亦無忘其治雲夢者而已矣大夫曰平不敏敢不  
勉力以無負大君子之訓於是博士先生及諸弟子  
咸溢喜謂不佞能與大夫交相倣也

贈李先生序

鄒觀光

今天下秩卑而任重則無若博士先生然祖宗朝  
館閣詞臣領國學而世歲薦明經領鄒邑學堂



實匪之也若曰是經術精而世務熟庶幾與  
氣譽髦以待任使其惟諸生乎最後用儒臣言以計  
偕士稱署益加重焉無論今日之士卽異日公卿大  
夫彼其離蔬躋而鄉校業已爭相觀曰士博士儼然  
師之可不謂重至今日而意盡誦矣縮帶而補大師  
有能質疑問難當漢經師者否有能裨身奉職使士  
矜而式之否有不齷齪鞠登免於士姍笑否卽有特  
立自砥礪衆方且以常爲奇謂是詭故非人情耳其  
誰顧化不佞之言曰爲政猶張琴瑟琴瑟不調甚者  
雲夢縣志

卷十

藝文中

六

必改而更張之乃可鼓也學校之弊甚矣郡縣張官  
置吏豈其以一二老生擁鼻比于諸士之上以糜廩  
餼而重爲文具而已乎其必不然語曰積徃生跂工  
以爲師積毒成藥工以爲醫徃者議重選責羣起而  
謂操切夫所爲示寬假也者必無關治體而後可耳  
學官所係于治非淺鮮也意宜稍重師儒之選使制  
科與有司參互而進而遴選偕計士及時次明經佐  
之必有卓然而興起者故推擇宜精也古者太學之  
禮詔于天子無北面當其爲師則弗臣也今太學

邑尹邵公重修城隍廟記

左維新

余嘗讀史至狄梁公巡撫江南奏熾吳楚淫祠七百所而于禹王泰伯諸廟特加意焉則知其嚴氣正性閱千古有如一日後世崇德報功舉凡有福于社稷民人者必肖像而祀之典甚隆也雲邑城隍祠鼎建有年猶記經始者爲任公瑾至鍾公兩增設兩門及後殿而郭公貴德復大新殿宇煥乎有章迄今三百年

皇清者定姚江 邵公由道德冠裳之數奉檄來雲

所夢縣志

卷十一

藝文中

十二

撫循八載計八載中完城堡濬隍池飭學宮疏河道輯通鳩舉通商惠遠存問孤者作興子弟與夫肆小者勅淫訟蠲贖錢焚妖廟以至丁糧辭訟之詳核官團湯牧之勤苦壁經得士之精華數拾征解之良則碩績燦然不可枚舉而猶不惜捐俸鳩工整飭神祠則以神血食茲土載在祀典其功德素著崇廟額而薦馨香冀永保障我境內惠哉我民人耳是故丹堊繪采山藻增輝向者內寢傾頽今則燕室弘敞矣如也是以待神之棲息向者而

風蕭然今則二寮雄列森如也足以肅神之拱衛  
向者門堂班剝燈火晨星今入厥門軒如也廓如  
也足以悚觀瞻升厥堂翼如也窳如也足以展駿  
奔洋洋在上金碧流光其冕服莪如也儼如也赫  
如也足以起敬畏而消僻易斯固合前之三公後  
之百禩協幽明和上下而福祐無疆者哉方神廟  
落成之日適公以上考晉秩入京雲人士歡抃鼓  
舞既歌且思謀立石誦公知公將以整齊乎一邑  
者由此而廓清海宇直如狄公當日自法曹而侍  
雲夢縣志

卷七

藝文中

七

御而巡撫自巡撫而納言而平章其豐功偉烈銘  
之鐘鼎勒之濟常即以是爲發軔焉耳屬記于左  
生維新新軍第賤士涵濡高深竊愧言不馴雅謹  
約略其大凡以待後之君子時康熙五年丙午歲  
季秋月也

城隍臺重建城隍廟東嶽廟記 柳維欽

古者建立壇壝修飭祠時所以報稱功德不忘其本  
崇奉賢哲以爲民極甚盛舉也故天子請饗大夫士  
庶狹祀有典罔敢渝越自郊天社地六宗五祀及

山大川與宗廟昭穆而祀之法施于民以死勤事以勞定國禦大災捍大患若則祀之而浮屠老子之屬無聞焉此記所謂淫祀無福孔子所謂非其禘而祭之諂也漢唐以後淫祀遍海內究則祀三皇五帝視聽盡民心志盡民財貨一盡之無識者又爲之揚波助瀾照臨之下居然鬼國民然其中有合于義者君子固不得而廢也由五穀之謀國保民莫大于城池易曰城復于隍解者謂有水曰池無水曰隍隍即池也由山川推之興雲雨出寶物莫大于五嶽禮

雲夢縣志

卷之二

中

二古

曰五嶽視三公謂禮以牛羊灌用鬱鬯豆十有六而已非謂有形如人黼黻九章亦如三公之謂也故先代一切易以木主得神而明之之義然而城隍初祀于都宮後則遍郊原矣五嶽各以其方後則東嶽亦祀于南國矣說者以城池郊原之本東嶽生氣所始有乾元統天之義不得限以方隅是已故舉之在前新之在後君子亦不得而廢也若雲邑東南有城隍臺名載邑志其廟祀不知所由始故老相傳古跡茅宇不盈十笏萬曆中始拓地新之易以甃瓦爲殿

者二爲門者一其後爲東嶽香火維虔固數百年如  
一日也自癸未兵火之後日就摧頽執將及像子與  
友人張子貴若戴子揮御謀更建之庇材鳩工不時  
告竣而屬記于余予以城隍東嶽皆有功德于民者  
也載在祀典咸秋有文者也郊原南國可通祀不限  
者也茲所建廟也非雕塑繪畫有礙于神明者也序  
以紀之非揚波助瀾蠹惑伺愚者也爲易其佞佛之  
費以崇正直之祀以達其祈禳報賽之情無淫諂之  
誦而有後祿之綏咸聞義而起樂施不倦以觀厥成

雲夢縣志

卷二

藝文中

二十五

者也于是乎書時康熙四年乙巳秋之七月也

邑尹陳公新任茶壽序

戶部侍郎

嚴正矩 方公

史稱漢高祖戡定天下武陽陳平九六出奇計以  
功封曲侯累遷左丞相其子若孫世享茅土暨光  
武中興陳俊負儲畧奇才從帝擊銅馬五較短兵  
所向必破斬其渠帥亦以功封祝阿侯其子弘爲  
良二千石累官司馬煌煌典冊間猗歟勳伐之隆  
繼序其皇如此我

國家驅除亂略肇造洪謨一時攀龍附鳳之士慕義

懷忠感得効尺寸以長子孫其最著者無如我陳  
公公家世清渾冠裳巨族賴 新朝佐命註籍

天都亦猶古天子賜爵賜姓之義積厚流先世濟其  
美伯仲之間業已蜚英北關播蹟于漢南矣雖趙  
宋之三堯何以異是而公獨少年英銳沉酣菽菹  
亦思老其才沉其識馳驅于玉堂金馬之林與諸  
昆相雄長而

朝廷不次之典不能少待於是乎繼永淳而有西陵  
之命其始至也威令風霆吏行冰上數年委靡之

雲夢縣志

卷十

藝文中

共

習爲之大振錢穀兵刑一按籍而利弊瞭然衆不  
敢欺邑小途衝馬政獨苦公以內廢實官騎厚其  
芻蕘節其勞勩而驛遞無委頓之虞下車聽獄剛  
正不私隣民猾者緣細事而謀叩 閣公廉得其  
實繩之以法民咸輸服而罔敢爭六屬領袖明焉  
四城率明季舊堙頽潰已久向以府藏空虛不暇  
修輯公莅政之三日卽捐私帑治之環障一新網  
繆桑土所謂自我人居居也屬歲晚年饑隣封其  
符竊發公韶鈴夙諸措維如意遣驍勇精騎

其德者矣親賢好道肅肅雍雍每一臨泮水而窮  
其遐鑿之士俱樂多其丰采下至白叟黃童亦莫  
不欣然相告曰冬日春陽來何暮也計受事先後  
未閱一月而輿情允協若茲儻由是月而暮暮而  
考考而世其美業寧有涯量乎昔者述古倡道海  
濱洞救之俗化為饒樂仲言由鄞令入司錢穀御  
筆題殿柱曰真鹽鐵使至若俊卿天資忠孝正色  
直言初不以一邑自懈卒之相業與虞允文并茂

雲夢縣志

卷上 藝文中

三

長卿勸帝親征力足回天而時人比之謝安允此  
皆公家世業炳烺今古余將駢集洪猷以期望我  
公而我公深遠莫區區乎與俊之子若孫又何足  
同日而語哉方公蒞政之次月卽爲嶽降之辰邑  
人士謬欲以余言祝公夫余言亦安足祝公耶惟  
是慶我隣封之得良父母也爲之歌南山之三章  
曰樂只君子民之父母而已且翼我公之永保祿  
也爲之虞蓂蕭之三章曰宜兄宜弟今德壽堂  
而已若余言誠何足以祝公也

嘗藉古致治者恒相時執之機宜而翕闢之以妙其  
權禮曰張而不弛文武弗能弛而不張文武弗為一  
張一弛文武之道也詩云不競不綏不剛不柔農政  
優優百祿是適是乃古今理軌之自然而善致治者  
補偏救敝所必然也蓋恤勞利用息息久則懈而弛  
百度荒矣救之則利用振振則剛而明廢務舉矣此  
國僑教鄭深有取乎猛也猛則烈民望而遠之故獲  
蘇焉西門氏之治魏也亦然史稱循良謂東里之治  
雲夢縣志

卷十一

文中

共

民不能欺下之治民不敢欺與軍父鳴琴而治民  
不忍欺者同為三不欺云吾雲自開國來休養生  
息困斃少蘇復值西山大役仍凋瘵甚撫之利用息  
而息以保無叢脞之虞乎當事者改絃而更張之固  
所甚宜爾適吾新邑侯陳公以世勳華胄奉檄臨雲  
仁聲先路里叟扶杖而迎童穉馭竹而趨壯者竭蹶  
遊之境外百里而遙栩栩然如獲赤之得慈母然公  
下車撫拊之噢咻之相憫於車塵馬足間未知往昔  
并州之於鄆知侯盛事風景較之今日何如也公



吳公晉七部去思碑

古重司牧有推邑宰益以承流宣化與里閭最親也  
第親非久莫與悉洽故有久其任而超以遷之流治  
理不著者輒賜璽書慰勉增秩錫券或爵至關內侯  
值公卿缺則選諸所求以次詔擢相業以昭此漢世  
良吏所由盛也其意謂庶民所以安其田里而亡歎  
息愁懼之心者政平訟理民與土習也故長吏不數  
易則下習而安服從其教化且吏閱歷深而風土淳  
駁羣黎情偽與政事損益機宜周知其故而經權利  
雲夢縣志

卷十一 藝文  
三

濟自優遠也唐宋之隆因不由之否則署若郵舍吏  
民不習苟焉而已今  
新朝鼎制倭滿方遷我隣邑侯 吳公莅雲七載矣  
始得濟 不晉司空屯部其于潁川八載爵錫侯封  
驛卽十載超拜廷尉者殆一轍乎雲士民有欲效詣  
關上書請借神君蠟輪以留公者希恩待澤之忱因  
余與乎而勢有所不可也爰以銘之懷者勒之碣而  
余言以志乎考公之七載于茲也殆如良庖十九年  
之功素然駉然音合桑林之舞中經首之會衆理解

漢尚淳樸息未藉公下車一意滋息鳩集流移獎農  
 桑給牛種寬逋賦汗萊治而簞車慶矣但版籍淪譌  
 刀點之夫與奸胥猾吏舞文增減公嚴加勘讞鄉  
 高戶移之訂冊鱗次出納整然且丁口即倚故爲多  
 寡切無有浮糧之丁亦無漏丁之糧楚路王庄俱照  
 雲夢縣志  
 卷上 蘇文中  
 十一

例清晰其科稅正供外無纖緒羨餘故民咸慕義春  
 秋賦不愆期漕輓應檄而至軍國之需裕矣邑衝煩  
 尤苦驛站里甲畜牧曉瘠歎補財力俱殫不啻如熙  
 寧保馬公悉取爲官園而比戶數年中不聞郵傳馳  
 驟聲並不請檣極爲何具矣其軫恤牙行無苛榷稅  
 故城郭虛舍繁興而歛津關若蟻附其于訟獄則酌  
 三典之宜而用之肆小青捐株累深體周官刺宥之  
 意若元愆雖法不少賞而公悽惻之情溢于顏表下  
 軍泣罪之仁何以加焉壬辰歲大稔公發常平積儲

也匪公之教之深而遠至斯乎故諸 上臺薦  
有德有才兼通文武又云政簡刑清民之父母又二  
錄野絃歌無媿琴堂語不具載此皆實錄也休哉公  
子雲政弘綱舉衆目張若非七載于茲烏能畢備若  
是乎歲涵月濡如是之深雲人何多幸也顧猶有以  
公去失所怙爲悒悒者是不然公在雲其爲澤也猶  
取岡阜之氣蒼蒼而爲雨潤一方耳公今入爲吏部  
如古晉廷尉封侯爵出入

禁閭條列治平大策其猶泰山之雲觸石而出不崇  
雲夢縣志

卷士

七

七

朝而雨天下矣雲邑不尤有厚幸乎予不敏惟據教  
養大綱章章者著之碣令讀者思思而法且備異日  
太常之採錄云

邑侯仰公諱嘉胤字爾嘉浙之餘姚人其地舜江禹  
穴又去新建伯文成公世不久代振儒風本經術以  
資吏治由來尚矣戊戌秋公蒞吾雲清慎慈斷風以  
禮義礪以廉節其軫恤貧困也首清賦役釐飛詭禁  
侵漁其推收丁糧手自註籍吏不敢贏縮其間征稅  
正供外不溢纖毫念十年輪役一甲獨苦之弊爰改  
派六十甲合力均輸名爲軟擡里役花戶無不欣然  
稱便是以人人樂輸檄朝發而夕至 國賦軍需絡

雲夢縣志

卷十一

藝文中

卅五

繹克給上裕民而上足 國洵弘儒之偉畧也其于  
刑獄恒多平反雖治無可貸者不得已而加刑凄然  
不忍之意達乎顏面故獄無繫囚門無鎖鑰邑人歌  
曰囹圄草豐閭無人跡獄卒設網以雌以雄雖然侯  
政尚寬至于巨懲戕民者不少姑息必正法除之焉  
傲子弟亦未嘗假借禁夜飲懲賭博晝巡力農者賞  
之夜聞編戶紡織聲誦讀聲者獎勵之屏絕音樂製  
園曲妓望城闕而却步尤惡緇袂黃冠輩貪媮惡俗  
法者痛懲之不少貸人咸頌公能辨臬端矣公

無此輩乃二氏旁門外道穢渠魁不在是也第念  
之頂帶不緇袈黃冠乎能躬論語孝經之行爲世講  
明者百不得一不繼不咩爲世大蠹者皆可刑也聞  
者慄然莫不斂服公之排異端而振儒風也公教庠  
生自程以文力厚識堅沛乎萬斛泉倒峽而流莫之  
禦也雲文風稱雄渾變草萊少靡矣公丕振之一時  
所得悉邑英雋有頌公以漢吳公者公笑曰吳公第  
薦一賈耳不佞儲數賈以待且使爲賈者後先蔚起  
而其不止于賈者又將涵濡砥礪以需其成且諄諄  
雲夢縣志

卷七

藝文中

年六

以澹泊明志寧靜致遠爲諸生勗此公之本躬行以  
爲教也公一粒一嚙必念民力茹糲啖葢恬如也一  
公服九年綴緼補葛有一狐裘三十年之風公出儀  
衛不設恒單騎往還澗澗間道上人不別其爲邑侯  
也隣有靳公以詩者曰馬骨高癯癯緩轡遊通衢魯  
君呼埳澤不見轎繖夫公退署校書飲酒吟詩猶然  
一儒生也時值水旱上請賑貸不憚綴牘屢奏市棺  
殮無歸者捐貲助嫁娶之不時者善政縷縷難以

宜乎 太守高公祖之

之學生誠政... 不若... 有言... 許... 可...  
... 公初被... 內召...  
... 公笑卻之既就道不問境內外涕泣拜道左者橫  
... 相比公徒步答拜至不得騎乘者累日大約公以聖  
... 賢之心行父母之事化民成俗丕振儒功由文成而  
... 上溯姚姒淵源洵有自哉

雲夢縣志

卷十一 藝文

十七